



Број/Број: 03-/4-50-1-10-30-15/10  
Сарајево/Сарајево: 1. 2. 2010. године

## **ZAPISNIK**

### **30. sjednice Zajedničke komisije za evropske integracije Parlamentarne skupštine BiH**

Sjednica je održana 1. 2. 2010., s početkom u 14 sati.

Sjednici su prisustvovali članovi Komisije: Halid Genjac, predsjedavajući, Ivo Miro Jović, prvi zamjenik predsjedavajućeg, Drago Ljubičić, drugi zamjenik predsjedavajućeg, Branko Dokić, Šemsudin Mehmedović, Zoran Koprivica, Hilmo Neimarlija i Selim Bešliagić.

Milica Marković, Božo Ljubić, Alma Čolo i Azra Hadžiahmetović opravdali su odsustvo.

U ime Vijeća ministara BiH, sjednici je prisustvovao Fadil Fatić, zamjenik direktora Agencije za statistiku BiH. Sjednici su prisustvovali i predstavnici Misije OSCE-a u BiH, kao i predstavnici medija.

Sjednici su prisustvovala Vlatka Dangubić, sekretar Komisije, i Vladana Lučić, stručni saradnik u Komisiji.

Komisija je jednoglasno usvojila sljedeći

## **DNEVNI RED**

1. Usvajanje Zapisnika 29. sjednice Komisije;
2. Razmatranje Prijedloga zakona o izmjenama i dopunama Zakona o klasifikaciji djelatnosti u Bosni i Hercegovini, druga komisijska faza, u skladu s članom 104. Poslovnika Doma naroda i članom 110. Poslovnika Predstavničkog doma PSBiH;
3. Tekuća pitanja;

### **Ad. 1. Usvajanje Zapisnika 29. sjednice Komisije**

Nakon što je jednoglasno usvojen dnevni red, prisutni članovi jednoglasno su usvojili Zapisnik 29. sjednice Komisije.

### **Ad. 2. Razmatranje Prijedloga zakona o izmjenama i dopunama Zakona o klasifikaciji djelatnosti u Bosni i Hercegovini, druga komisijska faza, u skladu s članom 104. Poslovnika Doma naroda i članom 110. Poslovnika Predstavničkog doma PSBiH**

Predsjedavajući Zajedničke komisije Halid Genjac je u uvodnim napomenama upoznao članove Komisije o fazama osnovnog zakonodavnog postupka kroz koje je Prijedlog zakona o izmjeni Zakona o klasifikaciji djelatnosti u Bosni i Hercegovini do sada prošao, i nakon što je konstatirano da nije okončana procedura usvajanja Prijedloga zakona u prvom čitanju u Domu naroda PSBiH, kao ni amandmanska faza, Komisija je jednoglasno usvojila sljedeći

## **ZAKLJUČAK**

Razmatranje Prijedloga zakona o izmjenama i dopunama Zakona o klasifikaciji djelatnosti u Bosni i Hercegovini, druga komisijska faza, u skladu s članom 104. Poslovnika Doma naroda i članom 110. Poslovnika Predstavničkog doma PSBiH, odgađa se do okončanja amandmanske faze nakon procedure usvajanja Prijedloga zakona u prvom čitanju u Domu naroda PSBiH.

### **Ad. 3. Tekuća pitanja**

Članovi Komisije informirani su o zvaničnoj posjeti ministra vanjskih poslova Republike Finske Alexandra Stubba Bosni i Hercegovini i svi članovi Komisije pozvani su na njegovo javno obraćanje, koje Zajednička komisija za evropske integracije organizira u saradnji s Uredom specijalnog predstavnika Evropske unije u BiH ambasadora Valentina Inzka.

Ministar Stubb, koji je bio član Evropskog parlamenta, objavio 11 knjiga i oko 30 naučnih radova o EU, govorit će o temi: „EU integracija na Zapadnom Balkanu, s posebnim fokusom na Bosnu i Hercegovinu“. Ministar Stubb izrazio je posebnu želju da nakon svog uvodnog izlaganja s članovima Parlamentarne skupštine BiH, predstavnicima bh. administracije koji se bave evropskim pitanjima, studentima međunarodnih odnosa, diplomatije i EU integracija, te predstavnicima medija, političkih stranaka i organizacija civilnog društva prodiskutira o ovoj važnoj temi.

U vezi s održavanjem 12. interparlamentarnog sastanka Zajedničke komisije za evropske integracije PSBiH i Delegacije Evropskog parlamenta za odnose s Albanijom, Bosnom i

Hercegovinom, Srbijom, Crnom Gorom i Kosovom, u Sarajevu 15. i 16. februara 2010., dogovoreno je da se održi sjednica Komisije koja će u potpunosti biti posvećena pripremi interparlamentarnog sastanka.

Sjednica je završena u 15 sati.

Predsjedavajući  
Zajedničke komisije  
Halid Genjac